

Bosna i Hercegovina  
Federacija Bosne i Hercegovine  
Srednjobosanski kanton/Kanton Središnja Bosna

**Ministarstvo prostornog uređenja, građenja, zaštite okoliša,  
povratka i stambenih poslova**

Na temelju Odluke o usvajanju programa utroška sredstava s kriterijima raspodjele namjenskih sredstava ostvarenih od prikupljenih sredstava u Fondu za zaštitu okoliša za 2026. godinu broj: 01-11.7-1532/26 od 26.02.2026. godine, s ciljem kvalitetne i transparentne provedbe projekata iz oblasti zaštite okoliša u 2026. godini, Ministarstvo prostornog uređenja, građenja, zaštite okoliša, povratka i stambenih poslova objavljuje:

**J A V N I   P O Z I V**  
**za podnošenje prijava za projekte iz namjenskih sredstava u 2026. godini**

**I.**

Predmet javnog poziva je prikupljanje prijava za dodjelu namjenskih sredstava za 2026. godinu s područja SBK/KSB.

Sredstva za provedbu ovog Programa utvrđena su proračunom Ministarstva prostornog uređenja, građenja, zaštite okoliša, povratka i stambenih poslova, razdjel 18, glava 01, budžetski korisnik 0001, izvor financiranja 30:

- ekonomski kod 615 100 - Kapitalni transferi drugim nivoima vlasti i fondovima za utopljanje zgrada, vodovod i kanalizaciju u ukupno raspoloživom iznosu od 910.000,00 KM;
- ekonomski kod 615 300 - Kapitalni transferi neprofitnim organizacijama - za utopljanje zgrada, vodovod i kanalizaciju u ukupno raspoloživom iznosu od 340.000,00 KM;
- ekonomski kod 615 400 - Kapitalni transferi neprofitnim organizacijama - za utopljanje zgrada, zbrinjavanje otpadom, vodovod i kanalizaciju u ukupno raspoloživom iznosu od 320.000,00 KM;

Sredstva se dodjeljuju korisnicima sredstava za projekte kao nepovratna sredstva putem javnog poziva, a 30% sredstava dodjeljuje se na zahtjev korisnika sredstava kao interventna sredstva.

**II.**

**Financiranje i sufinansiranje projekata iz djelokruga zaštite okoliša:**

**I.      PROGRAMSKA OBLAST: Kapitalni transferi drugim  
nivoima vlasti i fondovima:**

- A) za projekte utopljanja stambenih zgrada, utopljanje stambenih zgrada na području kantona radi uštede energije i povećanja energetske efikasnosti, kako bi se doprinijelo smanjenju negativnih utjecaja na globalne klimatske promjene**

**Pravo sudjelovanja ostvaruju:** općina/grad SBK/KSB

- B) projekte **utopljanja zgrada (javnih objekata)**, utopljanje zgrada radi uštede energije i povećanja energetske efikasnosti na javnim zgradama

**Pravo sudjelovanja ostvaruju:** općina/grad SBK/KSB, javna ustanova u SBK/KSB

- C) Sufinanciranje **izgradnje i jačanje infrastrukture** (vodovodne i kanalizacijske mreže i sl.).
- Programe, projekte i slične aktivnosti iz oblasti zaštite voda koji su od značaja za Kanton KSB/SBK, a obuhvataju projekte kanalizacijskih sustava i postrojenja za prečišćavanje otpadnih voda urbanih područja – općina i MZ uz preporuku općine, odnosno regionalni sustavi;
  - Zaštita kvaliteta voda u smislu izgradnje infrastrukture u cilju zaštite okoliša (izgradnja i saniranja kolektorskih mreža, tretman i monitoring otpadnih voda i druge slične aktivnosti u oblasti upravljanja otpadnim vodama, zaštita izvorišta vodozaštitnih zona, rješavanje problema u oblasti vodosnabdijevanja i poticanje održivog korištenja voda);
  - Zaštita kvaliteta voda, radi zaštite flore i faune i slične aktivnosti od značaja za zaštitu okoliša i zaštitu voda, uređenje vodotoka;
  - Sufinanciranje projekata iz oblasti upravljanja vodnim resursima (vodama) koji su djelomično završeni, te je zbog nedostatka finansijskih sredstava njihova realizacija zaustavljena ili postoji mogućnost da neće biti završeni na okolišno prihvatljiv način.

**Pravo sudjelovanja ostvaruju:** općina/grad SBK/KSB i MZ na području Kantona SBK/KSB.

- D) Provođenje mjera za **spriječavanje širenja i uništavanje korovske biljne vrste ambrozije**

Smanjivanje rasprostranjenosti ove korovske biljne vrste (ambrozija), a u svrhu poboljšanja kvalitete života i smanjenja alergijskih problema kod osoba osjetljivih na ovu vrstu jako rasprostranjene biljke.

**Pravo sudjelovanja ostvaruju:** općina/grad SBK  
prijavljeni projekt. Maksimalni iznos sredstava koja se mogu dodijeliti po projektu je 1.000,00 KM.

## **II. PROGRAMSKA OBLAST: Kapitalni transferi neprofitnim organizacijama**

A) Projekti **jačanja javne svijesti o značaju zaštite okoliša**. Ovaj dio programa obuhvata projekte koji se odnose na jačanje javne svijesti u području zaštite okoliša i energetske efikasnosti na teritoriji KSB/SBK i to kroz slijedeće:

- Projekti jačanja javne svijesti o značaju zaštite okoliša kroz promotivne kampanje, potporu projektima odvojenog prikupljanja i privremenog skladištenja materijala za reciklažu, kao i poticaj za korištenje drugih okolišno prihvatljivih načina ambalažiranja proizvoda: poticaj minimiziranju, ponovnom korištenju i

recikliranju otpada (papir, staklo, metal, plastika, biootpad, glomazni otpad, opasni otpad).

- Projekti zaštite okoliša nevladinih registriranih udruženja i neprofitnih organizacija i međunarodnih organizacija za pomoć i suradnju,
- Održavanje manifestacija, kongresa, simpozija sa aktualnim temama zaštite okoliša i energijske efikasnosti.

**Pravo sudjelovanja ostvaruju:** registrirana udruženja i neprofitne organizacije, međunarodnih organizacija za pomoć i suradnju registriranih na području SBK

### **Nemaju pravo na podnošenje projekata i učešće na javnom pozivu**

Registrirana udruženja koje nisu dostavile izvještaj o implementaciji programa po ranije dobivenim poticajnim sredstvima i kojima od strane Ministarstva nije prihvaćen izvještaj.

**Očekivani učinci:** poboljšanje uvjeta života kroz socijalne, sportske, kulturne i vjerske aktivnost.

**B) Projekat utopljanja zgrada-javnih objekata.** Utopljanje zgrada radi uštede energije i povećanja energetske efikasnosti te da se doprinese smanjenju negativnih utjecaja na globalne klimatske promjene.

**Pravo sudjelovanja ostvaruju:** registrirana udruženja i neprofitne organizacije, međunarodne organizacije za pomoć i suradnju, vjerski objekti

## **III. PROGRAMSKA OBLAST; „Kapitalni transferi javnim preduzećima“**

**A) Sufinanciranje programa u cilju zaštite okoliša, koji rješavaju probleme zagađenja otpadom, te selektiranje otpada koji predstavlja veliki pritisak na okoliš i ugrožavaju živote i zdravlje ljudi za prikupljanje i selektiranje otpada u slijedećim kategorijama:**

- uspostava zelenih otoka radi poticanja selekcije otpada na mjestu nastanka,
- nabavka namjenskih vozila za odvojeno prikupljanje i odvoz selektiranog otpada,
- izrada softverskih rješenja za povezivanje vlastitog sistema sa informacionim sistemom- upravljanja otpadom u cilju osiguranja jednostavnijeg transfera podataka,
- nabavka i postavljanje vaga na ulazu na odlagališta, sa pratećim software-om,
- nabavka namjenskih kanti i kontejnera za selekciju otpada,
- izrada projektne dokumentacije ili izgradnja/opremanje reciklažnih dvorišta
- izrada projektne dokumentacije ili izgradnja/opremanje centara za upravljanje otpadom i pretovarnih stanica,
- konačno zbrinjavanje opasnog i azbestnog otpada,
- opremanje pogona za reciklažu posebnih kategorija otpada,
- izrada projektne dokumentacije ili izgradnja pogona za kompostiranje organskog i bio otpada,

- ispitivanje sastava komunalnog otpada,
  - saniranje površina na kojima se nalaze nelegalna odlagališta u općinama KSB/SBK,
  - saniranje i/ili zatvaranje odlagališta otpada životinjskog porijekla,
  - povećanje stupnja reciklaže otpada,
  - poboljšanje selektiranja otpada,
  - uspostava sistema odvojenog prikupljanja otpada (zeleni otoci-kontejneri) u svim općinama KSB/SBK,
  - infrastruktura gospodarenja otpadom te izgradnja reciklažnih dvorišta.

**Pravo sudjelovanja ostvaruju:** Javna komunalna poduzeća koja se bave upravljanjem otpadom sa područja KSB,

**B) Upravljanje spomenikom prirode “Prokoško jezero”.** Kako bi se uredila pitanja zaštite, unapređenja i korištenja Spomenika prirode “Prokoškog jezera” radi očuvanja geoloških, geomorfoloških, hidroloških, bioloških i dr. vrijednosti reguliran je status privremenog upravljača Spomenikom prirode, kao i način financiranja, prava i obveze, te odgovarajuća ovlaštenja u vezi s upravljanjem Spomenikom prirode.

Imajući u vidu Zakon o zaštiti prirode KSB/SBK, po kojem je kantonalno ministarstvo nadležno za obavljanje postupaka vezanih za zaštitu zaštićenog područja - Spomenik prirode “Prokoško jezero”, tako je Ministarstvo prostornog uređenja, građenja, zaštite okoliša, povratka i stambenih poslova KSB/SBK, predložilo pokretanje postupka davanja Spomenika prirode na upravljanje, donošenjem *Odluke o upravljanju, korištenju i imenovanju privremenog upravitelja* Spomenika prirode Prokoško jezero (Zakon o proglašenju spomenika prirode “Prokoško jezero”, Sl. novine KSB/SBK”, br:12/05, 5/22).

**Pravo sudjelovanja ostvaruju:** Javno komunalno poduzeće upravitelj Spomenika prirode Prokoško jezero

**Očekivani učinci:** Smanjivanje prekomjernog iskorištavanja prirodnih dobara, sprječavanje propadanja prirodne vrijednosti - Prokoško jezero odnosno održivo korištenje prirodnog dobra. Zaštićena i održiva uporaba okoliša, podizanje kvalitete osnovne infrastrukture kao pretpostavke za daljnji razvoj uz istodoban razvoj poljoprivrede, ekološkog turizma i gospodarstva.

**Kriterij za izbor projekata:** raspodjela sredstava vršit će se za programe i projekte u skladu sa općim, ostalim i posebnim kriterijima, vodeći računa o ravnomjernoj zastupljenosti korisnika s cijelog područja SBK/KSB.

### III.

**Potrebna dokumentacija za PROGRAMSKE OBLASTI I, II, III:**

Opći kriteriji za raspodjelu sredstava su:

- a) Čisto popunjen potpisan i/ili ovjeren obrazac prijave koji se objavljuje uz javni poziv, a koji će biti dostupan u Ministarstvu prostornog uređenja, građenja, zaštite okoliša, povratka i stambenih poslova u Travniku, u općinskim službama ili na web stranici Vlade KSB/SBK

- b) Ovjeren predmjer ili predračun radova, odnosno specifikacija materijala i/ili opreme i sl.

Prijave koje ispunjavaju opće kriterije mogu se dalje bodovati prema odgovarajućim ostalim kriterijima.

Ostali kriteriji:

- a) Kvalitet i relevantnost projekta- Održivost lokalnog razvoja – lista prioriteta ukoliko se aplicira za više od jednog projekta max. 20 bodova
- b) Stupanj povoljnog utjecaja na zaštitu okoliša- izjava max. 10 bodova
- c) Udio vlastitih sredstava u iznosu od najmanje 20% od ukupne vrijednosti projekta – izjava o sufinanciranju max. 20 bodova
- d) Izvještavanje o realizaciji ranije financiranim projektima – izjava max. 10 bodova
- e) Nastavak već započetih projekata/novi projekat – izjava podnosioca max. 20 bodova
- f) Projektno tehnička dokumentacija – urbanistička i/ili građevinska suglasnost za izgradnju/rekonstrukciju vodovoda i kanalizacije ili dokaz o vođenju postupka za izdavanje urbanističke saglasnosti za projekte koji prema propisima o građenju podliježu izdavanju ovih akata ili izjava aplikanta da se radi o sanaciji zgrade koja se utopljava max. 10 bodova
- g) Bilans stanja i bilans uspjeha za 2025.g.ovjeren od strane finansijsko informatičke agencije (PROGRAMSKA OBLAST II) max.10 bodova
- h) Izvod iz Registra neprofitnih organizacija – u originalu ili ovjerenoj kopiji originala (datum ovjere ne smije biti stariji od tri mjeseca od dana objave javnog poziva, a datum izdavanja izvoda iz registra neprofitnih organizacija ne smije biti stariji od tri mjeseca od dana objave javnog poziva (PROGRAMSKA OBLAST II)
- i) Uvjerjenje o poreznoj registraciji, odnosno ID broj izdaje Porezna uprava FBiH (kopija) (PROGRAMSKA OBLAST II i III)
- j) Dokaz o registraciji aplikanta kod nadležnog suda – kao dokaz dostavlja se aktualni izvod iz sudskog registra – original ili ovjerena kopija (PROGRAMSKA OBLAST III)
- k) Uvjerjenje o izmirenih obavezama po osnovu javnih prihoda ( ne starije od 3 mjeseca) ili sporazum o reprogramiranom, odnosno odgođenom plaćanju obaveza aplikanta po osnovu javnih prihoda (PROGRAMSKA OBLAST III)

Da bi prijava bila prihvatljiva, treba biti ocijenjena sa minimalno 50 bodova, a maksimalan broj bodova koji može biti dodijeljen od strane povjerenstva za ocjenu prijava po Javnom pozivu iznosi 90 bodova.

Uvjeti koje treba ispuniti da bi određeni projekat bio prihvatljiv su:

- a) Prijava je zadovoljila formalno - pravne uvjete učešća tj. opće kriterije
- b) Prijava je zadovoljila minimalne ostale kriterije po javnom pozivu i ocijenjena sa minimalno 50 bodova

#### IV. Interventna sredstva

Ministarstva prostornog uređenja, građenja, zaštite okoliša, povratka i stambenih poslova će interventna sredstva dodjeljivati do 31. 12. 2026. godine odnosno do utroška raspoloživih sredstava, a na osnovu pristiglih zahtjeva koji ispunjavaju potrebne uvjete.

Sredstva će se dodjeljivati u skladu s *općim i ostalim kriterijima* utvrđenim u Odluci o usvajanju programa utroška sredstava s kriterijima raspodjele sredstava kapitalnih transfera.

##### Opći kriteriji:

- a) Čisto popunjen potpisan i/ili ovjeren obrazac zahtjeva za interventna sredstva koji se objavljuje uz javni poziv, a koji će biti dostupan u Ministarstvu prostornog uređenja, građenja, zaštite okoliša, povratka i stambenih poslova u Travniku, u općinskim službama ili na web stranici Vlade KSB/SBK
- b) Ovjeren predmjer ili predračun radova, odnosno specifikacija materijala i/ili opreme i sl.

##### Osnovni kriteriji:

- a) Udio vlastitih sredstava u iznosu od najmanje 20% od ukupne vrijednosti projekta – izjava o sufinanciranju 30 bodova
- b) Elementarna nepogoda – zapisnik Civilne zaštite, općinske službe, mjesne zajednice 30 bodova
- c) Nepredviđeni i hitni projekti iz oblasti infrastrukture – izjava općine, mjesne zajednice 30 bodova

Da bi prijava bila prihvatljiva, treba biti ocijenjena sa minimalno 50 bodova, a maksimalan broj bodova koji može biti dodijeljen od strane povjerenstva za ocjenu prijava po Javnom pozivu iznosi 90 bodova.

Uslovi koje treba ispuniti da bi određeni projekat bio prihvatljiv su:

- a) Prijava je zadovoljila formalno - pravne uvjete učešća tj. opće kriterije
- b) Prijava je zadovoljila minimalne osnovne kriterije po javnom pozivu i ocijenjena sa minimalno 60 bodova.

#### V.

Minimalan iznos bespovratnih sredstava po ovom Programu je 20% od ukupne investicije, a maksimalan iznos sredstava koji se može odobriti je 100% od investicije.

#### VI.

Povjerenstvo donosi Kriterije za rad za utvrđivanje prijedloga liste uspješnih projekata za su/financiranje iz sredstava Ministarstva za 2026. godinu, kojima se detaljno razrađuju kriteriji, a koji služi za utvrđivanje prijedloga liste uspješnih projekata.

Povjerenstvo za stručni odabir podnosi izvještaj o svom radu ministru na bazi Javnog poziva za dodjelu sredstava za realizaciju programa, projekata i sličnih aktivnosti iz djelokruga zaštite okoliša za 2026. godinu.

*Posebni kriteriji* na osnovu kojih Vlada KSB na prijedlog ministra donosi Odluku o raspodjeli i izdvajanju sredstava sa sačinjene liste prihvatljivih prijava povjerenstva za stručnu ocjenu, a koje zadovoljavaju opće i ostale/osnovne kriterije su slijedeći:

- a) Razvojni kriterij (projekt je od značaja za Kanton/općinu/grad, održivost i razvoj zajednice) – preporuka/izjava općine o usklađenosti sa važećim strateškim dokumentom
- b) Disperzna raspodjela sredstava po općinama (u skladu sa veličinom, potrebama općine i broju pristiglih zahtjeva)

## VII.

(Obavještenje i prigovor)

Aplikanti koji ne ispunjavaju formalno - pravne uslove, zatim aplikanti čiji su projektni prijedlozi manje od 50 bodova i ne nalaze na predloženoj listi uspješnih projekata za su/financiranje iz namjenskih sredstava, mogu podnijeti prigovor Ministarstvu u roku od tri dana od dana objave konačne liste.

O prigovoru odlučuje ministar.

Odluka o prigovoru je konačna.

## VIII.

Nadzor i kontrolu namjenskog korištenja sredstava od strane korisnika sredstava vršit će *Povjerenstvo za nadzor* koju imenuje ministar Ministarstva prostornog uređenja, građenja, zaštite okoliša, povratka i stambenih poslova, koja broji tri člana.

Kontrola će se vršiti na osnovu dostavljenih izvještaja korisnika, a po potrebi i neposredno kod korisnika sredstava.

## IX.

Nakon objave preliminarne liste na stranici Vlade SBK i donošenja odluke Vlade Kantona o izdvajanju sredstava namjenskih sredstava sa korisnicima sredstava zaključit će se ugovor kojim će se urediti uslovi i način korištenja dodjeljenih sredstava, način praćenja namjenskog korištenja dodjeljenih sredstava, dokumentacija koju je korisnik sredstava obavezan dostaviti Ministarstvu, rok važenja ugovora.

## X.

Prijavni obrasci, izjave kao i tekst ovog javnog poziva mogu se preuzeti na web stranici Srednjobosanskog kantona: [www.sbk-ksb.gov.ba](http://www.sbk-ksb.gov.ba).

Elektronski ili ručno popunjen, potpisan i ovjeren prijavni obrazac kao i izjave moraju biti potpisan i pečatirane od strane podnosioca zahtjeva.

X.

**Način dostavljanje prijava po Javnom pozivu.**

Dostavljanje prijava projekata se vrši u zatvorenoj koverti poštom ili osobno na protokol

**SBK/KSB**  
**Ministarstvo prostornog uređenja, građenja, zaštite okoliša,**  
**povratka i stambenih poslova**  
**Stanična 43, 72270 Travnik**  
**"Prijava na Javni poziv za dodjelu sredstava sa kriterijima za raspodjelu**  
**namjenskih sredstava"**  
**Poziv na broj 07-11- 1833/26**  
**Ne otvarati**

Javni poziv je otvoren do 13.04.2026 godine, a za interventna sredstva je otvoren do kraja 2026. godine odnosno do utroška sredstava.

Javni oglas će biti objavljen na oglasnim pločama kantona, općina SBK/KSB i web stranici Vlade SBK/KSB ( [www.sbk-ksb.gov.ba](http://www.sbk-ksb.gov.ba))

Nepotpune prijave neće se uzeti u razmatranje.

Dodatne informacije mogu se dobiti na telefon: (030)/ 511- 311.

Broj: 07-11- 1833 /26  
Travnik, 12.03.2026. god.

